



«Эч сүлэм»

## Ялан кытчы ке дыртэ

Удмурт кылэз дышетон но гажан мылкыд пычатиз мыным Балезино ёросысь Кожильгуртысь Валентина Корепанова. Удмурт йылол-сямъёс, кырзан-веранъёс сярсысь мадемъёсыз туннэ но пельсьбрам чузьясько.

Таё кышномуртэн пумиськыны кылдиз шуыса, туж шумпотысько. Асме но, нылпиосме но визьнодаз. Библиотекаын ужаны кутски но, Валентина Вениаминовна мынам юрттысе но визькенеш сётисе луиз. Гуртысь арлыдоосты люкаса, удмурт кылэн нуналэзлы сйзем ужрад ортчытмы.

Валентина Вениаминовна вордскемын Кез ёросысь Адами гуртын. Отын кема уйллэмтэ, бубизлэн гуртаз — Балезино ёросысь Борисгуртэ — улыны выжиллям. Анаез жүч но удмурт кылъёсыя но литература уроекъёсты нуэм, нош бубиз шофёр луыса ужам.



Балезино ёросысь Кожильгуртысь Валентина Корепанова.

Школазэ йылпумъяса, Валя дышетскыны пырем Ижысь медицина училищес. Но 1 толзэзэ больницаын кыллемез бере валам, эмъян удыс солы уг тупа шуыса. Отйяз Удмурт кун университетысь удмурт филфакез йылпумъяса, Балезино ёросысь Турецкой черкогуртысь школаын дышетены куткем. Кема ик ужаса вуттымтэ, бызем но

мужикезлэн гуртаз, Кожильгуртэ, вуэм.

Валентина Корепанова 34 ар дышетон удысын тыршиз. Урокъёсты нуэм сяна, шаертондонъя музей кылдытон но сое узурмытон борды басытськиз. Шумпотон, музеймы туннэ но ужа. Көня ке арзэ указ нылпи садын, удмурт кылья кружок нуиз. Со сюлмаськемен, тэшкылиосмы

пöртэм конкурсьёсын вормонъёс басызы. Туннэ кадъ ик тодысько на К. Гердлэн произведениезъя «Гондыр выжы» инсценировка пуктэммес. Та дышетисылы луыса мон но эшъёсы удмурт кылэз валаны дышмы.

Табере Валентина Вениаминовна 6-тй арзэ шутэтске ни. Тэк пуконзэ тодысьтэм кышномурт ялан кытчы ке дыртэ. Гуртысь арлыдоослэн кенешенызы кивалтислэн воштисез луэ. Ас вакытаз Валентина Корепанова куасэн бызылонъя ёрослэн чемпионэз вал. Спортэн эшъяськонзэ туннэ но уг аналты. Кожильгуртмы интыяськемын чугун сюрес но Чупчи шур виски. Гуртэтй пыдын ветлыны инты трос өвөл бере, эшеныз Ангелина Пыхтееваен чугун сюрес линиясьёры бодыосын вамышъян «Капчи ветлон» сюрес кылдытисы.

— Нырысь ик вакчи сюрес лёгимы вал, но эшъёсмы трос люкасыкызы но кузгес каримы, — шуэ Валентина Вениаминовна. — Мужикъёсмы, тодмоосмы бордамы итисыкызы, тйр, бензопила

но секатор кутыса, сюресмес уялтймы. Табере нуналлы быдэ 10-12 арлыдоос отй вамышьяло. Нош кемалась ик өвөл куное отылымы Балезино каргуртысь но Такапигуртысь арлыдоосты. Соос понна пöртэм станциос малпамы. Пумиськонмы туж яраз.

Пельнянь фестивале но гуртысьтымы арлыдоос мыло-кыдо пырысько. Азвыл аръёсы одйг ульчаен гинэ пельнянь сиблызы, туэ быдэс гурт бордазы итисыкиз. Кылем суббота нуналэ 40 килограмм пельнянь пöзтымы, синерболэн (чужонвал) шудймы, кырзан-веранъя конкурсьёс радъямы. Та ужэз радъясьёс пöлын одйгез Валентина Корепанова вал.

Корепанов кузпалъёслэн 3 пиоссы, 5 внукъёссы но 1 внучказы. Валентина Вениаминовна ваньмон дыръяз керттисъе: выж лёгетъёсыз Удмуртилэн събраз но кошкемын ни.

Мария ПОПОВА.  
Балезино ёросысь  
Кожильгуртысь  
библиотекаын ужась

Буре ваён

## «Мынам тйледлы сомында веранэ...»

Жакы апай удмурт визьбурлэн ошмесэз вал. Дораз ём ветлйзы тодосчиос, этнографъёс, фольклористъёс. Та нуналъёсы Йёскалык библиотекаын Жакы апайлы сйзем «Гужем шулдыр тылобурдо чирдэмен» этнографической фильмен тодматскон ортчиз.

Жытэз усътыз фольклорист, филология наукаосъя доктор, профессор Татьяна Владыкина. Татьяна Григорьевна Жакы апаез (Кияса ёросысь Удяди гуртысь Ольга Николаевна Соловьёва) туж эч тодэ вал, соин көня ке пол пумиськылэм, кырзанъёсэз гожтыса кельтэм. Угось 1932-тй арын вордйськем, пичиысен кайгу пыр потэм Жакы апай удмурт калыклэсь визьбурзэ, кырзанъёсэз туж эч тодэ вал.

— Кема дыр ёже ми фольклор шоры учкылйм нимтэм творчество шоры сямен, — шуиз Татьяна Григорьевна, — 40 арлэсь кема мон ветлй Удмуртиысь пöртэм ёросъёсты, калыклэсь фольклор люкаса. Со адымиослэн



Ольга Соловьёва (Жакы апай) (1932-2018).

ымнырьёссы ваньзылэн син азам. Но туж жаль, соку ой вал луонлык тусъёсэс видеое кельтыны. Озы ке но туж шумпотысько, Ольга Николаевна Соловьёва фильме гожтисыкыса кылиз шуыса, со усътэ асьме удмурт фольклорлэсь, этнографилэсь аспöртэм галереязэ.

Татьяна Владыкина тау кариз фильмлэн авторезлы Денис Корниловлы. Егит тодосчи аслаз шöдэмезъя туж быгатыса гожъя удмурт песанайёсты, собере вань люкам материалъёсты фильме радъяны быгатэ. Тйни

озы Жакы апай сярсысь но «Гужем шулдыр тылобурдо чирдэмен» этнографической фильмен пöрмиз.

Денис Корнилов верамъя, Жакы апаез видеое со гожтэм 2014-тй арын, со дорын 2 нунал улэм. Жакы апай туж яркыт син азе пуксе. Сүлэмез бугырто солэн пичи дырысьтыз тодэ ваёнъёсыз, туж вазь анай-атайтэк бордаз 3 аресъем выныныз кылемез. Паска нуналэ гинэ но соослы буюм кукей сётись вылымтэ. Озы көтжожъёсэз нылаш кырзаса буйгатылэм. Огпол, сютэм улонлы чидатэк, кыре потэм, мед куло вал шуыса сюлворыны öдъям. Учке но, төл шорын кызыпу куасалляське, уг чигы, чида. Соку нылаш вöзас сылсь вынзэ аджем, пичи маке шуэ, пе: эн кулы, апай, мон сиён уг ни куры...

Ольга Николаевна вань сүлэмзэ сётэм вынзэ будэтонлы, нош ачиз 42 арескысен гинэ картэн улонзэ аджем. Пал кылем трос нылпие пиосмурт сое кышнолы, нылпиосызлы анайлы ваем...

«Гужем шулдыр тылобурдо чирдэмен» фильмын трос вашкала кырзанъёс

чузьясько, пöртэм тодосчиос Жакы апайлэн удмурт культураын интыез сярсысь верало. Удмуртсэ сяна, гуртысь огшоры кышномурт пор, бигер, бесерман кылъёсты, со калыкъяслэсь сямъёсэс тодэ вылэм. Туж сюлмаськем, егитъёс калык сямъёсты мед тодозы, мед утёзы шуыса.

Фильмен тодматсконэ зал тыр калык люкаськемын вал: тодосчиос, журналистъёс, Жакы апайлэсь гуръёсэз кырзась эшъёсыз, Удяди гуртысь коллектив, ёжы-выжыосыз. Будэтэм нылпиосыз пöлысь одйгез — туж тодмо эмъясь, медицина наукаосъя кандидат, «Удмурт Кенеш» огазеяськонысь активист Надежда Гузнищева — пусйиз:

— Семьямы ми 6 пиналъёс вал, мон пичиез. Жакы апай милем анай луиз. Солэсь мылкыдзэ кырзэмез пыр тодылым. Куддыръя мама ми вылэ лекъяське но вал, дыр, но ноку куаразэ өз будэтъя. Кыёе гур кырзэмезъя валаском ни вал, лекъяське шуыса. Атаймы агаймес куаретыны кутске ке, анаймы палаз кариське, кесяськыны уг лэзы. Ми кырзан пöлын улым.

Мамамы дышетиз ог-огмес гажаны, ёжы-выжыосын юн кусып возыны. Берпуметй шокчытозяз солэн йырсазыз туж лэчты вал. Кулытозяз вераляз: тае тй тодыны кулэ, тае гожтэ! Туж тау тодосчиослы, соос анайлэсь тодэмъёсэз калыкы кельтйзы...

Жакы апай но солы сйзем фильм сярсысь мылкыдъёсэс веразы гуртоос но, тодмо адымиос но: режиссёр Лев Вахитов, фольклорист Галина Глухова, кырзась, фольклорист Николай Анисимов но мукетъёс. Жакы апай котьку шуылэм: мынам тйледлы сомында веранэ на, лыктэ, пожалуйста. Кулон аяз верано кылъёсэз тетраде гожъяса улэм на. Со тетрадь но табере история ни...

— Удмурт калыкмылэн сүлэм ёжез кырзанэн кыстыське. Адыми ёжотисыкыса уг ветлы, со лулпушсэ, сүлэмзэ кырзанэн небзытэ. Жакы апай — со калыкмылэн огъя символэз кадъ, — презентация дыръя пусйиз Татьяна Владыкина.

Елена МИННИГАРАЕВА